



Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.
Rosæ De S. Maria Limensis Peruanæ, Tertii Ordinis S. P.
Dominici à S. D. N. Clemente IX. Beatis Annumeratæ**

González de Acuña, Antonio

Augustæ Vindelicorum, 1668

Capvt XIV. Rosæ cum imagine Deiparæ familiare consortium: in divinæ
Crucis signum Religio: Mutui honores, quibus illa, & S. Catharina Senensis
se prosequuntur.

urn:nbn:de:hbz:466:1-44063

remedium diuturnum incertumque. Rosa certa recuperandæ salutis, si gossipium divino sudore madidum brachio admoveretur, tamen cupida fruendi diutiūs doloribus suis, id non est ausa, nisi ex Confessarij præscripto. Tunc verò tractu prævalido sentit redire ad suam sedem distortos nervos, detumescere pulpos, distringi musculos: attonitis ad hæc Chirurgis, qui de intractabili brachio, & in omnem medelam contumaci, jam propè desperaverant. Præter illa, quæ innuimus, Rosæ prodigia, imperium in belluas, arboresque, & in spiritus ipsos, intuitum cordium, & absentium rerum, manifesta alloquia præsentis Dei, prodibit brevi aliorum uberrima appendix; statim atque licuerit, ex lege sacrorum Rituum.

C A P V T XIV.

ROSÆ cum imagine Deiparæ familiare consortium; in divinæ Crucis signum Religio: Mutui honores, quibus illa, & S. Catharina Senensis se prosequuntur.

Ante centum & amplius annos imago Deiparæ Virginis, cui à Rosario nomen est, Limæ cultum accepit: Ex illo Roseto ver nascentis fidei in eas terras sese latè diffudit. Ad hujus aram Rosa perpetuò procumbebat in preces, mira lætitia gestiens, & suam Divam loquentē

varia serenæ frontis eradiatione , veluti quibusdam nutibus tām perspicuē percipiebat , ut nulla verborum facundia melius præstare id posset. In filioli quoque divini vultu velut animato libro responsa distinctè legebat, veluti si picta cerneret , vel multis characteribus exarata. Hunc deperibat : hujus ad intuitum novo calore perfundebatur, & gaudio , videbatur enim cœlestis Infans brachia foras protendere, veluti in amplexum Rosæ procursurus. Fama erat illam omnia impetrare quæcunque ante sacram imaginem à Cœli Regina flagitaret, & tanta securitate rerum eventus pollicebatur , quasi concessæ gratiæ diploma præcepisset. Collebatur in doméstico Oratorio altera Dei parentis imago, in qua Rosa videbat omnia spirare, ac vivere, & aliquando cum pia matrona ante illam narraret prodigia, quibus Virgo in Atocha clientes suos à viræ discriminibus eripuerat, Rosa prospexit imaginem edentem signa inusitatæ lœtitiæ torquentem oculos benignissimo nutu, augustiùs radiantem. Porrò facellum Rosarij quovis die Sabbathi floribus exornare consueta, quos in horto educabat , nunquam hoc solatio destituta fuit , quamvis perfrigida rigeret, aut ardens esset anni tempestas. Sed pulchriùs induebat spirituali veste Reginam suam, tunicam, syrma, coronam , & alia ornamenta, jejunijs, inflictis sibi verberibus, & precibus innumeris componens. Præaltam crucem

in

in hortensi sua cella extantem piis complexibus perpetuò stringebat: ubicumque divinum hoc signum incurrisset in illius oculos , pulsus validissimo sua præcordia agitabat , sive in fortuita trabium commissura, sive in decussatis septium bacillis, in vectibus, in ipsis demum festucis , ac paleis occurrisset, illam sine attenta veneratione nunquam præteribat: Libanotim, vulgo Roremmarinum, alebat in horto, cuius tres, arbusculæ in crucis formam coibant: unā ex his Proregina dono quæsivit, sed apud illam cespes illicò exaruit, & idcircò Rosæ manibus iterum insitus, post quatuor dies pulchrior solito reviruit. Circumferre sanctæ Catharinæ Senensis imaginem quotannis solebat pium Sodalitium illius cultui consecratum. Cujus Diuae statuæ coronis, floribus , & multo fulgore gemmarum adornandæ Rosa quoad vixit destinata fuit, quo in munere temperare sibi à lachrymis , ab osculis, ab alloquiis præ ardore non poterat. Oh si præsto mihi esset pecuniæ vis non exigua, dixit aliquando , ut pulchriori amictu te induerem optima Mater : & ecce illicò adfuit, quæ ab illustri fœmina nummos attulit, Rosæ votis designatos. Visus non raro fuit sacræ imaginis vultus insolito splendore radiare. Floruerunt ad imperium Rosæ caryophylli , quorum pridie ne nodi quidem apparuerant in florem erupturi: Ac tres vernarunt, quot sibi Rosa jussérat afferri. Francisca de Montoia,

toia, quæ sacrum Catharinæ simulachrum exornaverat, Rosæ beneficio in columnis evasit ab igne sulphurato, qui oculum ipsius incurrerat, & resiliens incendit vestes alterius fœminæ, quam corripuit. Ipsiusmet Rosæ dexteram aliquando horrenda arthritis invaserat, adeo ut intumuerit manus mirum in modum, nec digiti loco moveri possent. Ut verò Seraphicæ Matri sua festivum habitum solito cultu componeret digitos forficum ansulis immisit, cum id fieri præ tumore non posset, & alacritate mira gemmas, torques, monilia in ordinem distribuit, attonitis ad hæc Regio Quæstore, illius conjugi, & medicis, qui divinitus id contigisse professi sunt.

C A P V T X V.

RO^{SAE} fervidus amor, & cultus
in divinam Eucharistiam pro qua ad
Martyrum se accingit.

TER ut minimum in hebdomada divina Eucharistia reficiebatur, quinquies non raro, & aliquando in singulos dies, præmittebat semper magno gemituum, & lachrymarum apparatus sacramentalem confessionem: pridiè asperius cruentabat corpusculum flagellis, rigidoque jejunio, & hospitio divino tam pretiosis ignitarum aspirationum odoribus cordis habitaculum adornabat, ut si per totum vitæ spatium